



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 01-03/02-04-25258-234/21  
Sarajevo, 24.9.2021. godine

**SKUPŠTINA KANTONA SARAJEVO**  
**n/r Okerić Elvedina, predsjedavajućeg Skupštine Kantona Sarajevo**

**PREDMET: Odgovor na zastupničku inicijativu, dostavlja se**

Cijenjeni,

**Zastupnik** u Skupštini Kantona Sarajevo Zvonko Marić je na 33. Radnoj sjednici Skupštine Kantona Sarajevo održanoj dana 03.3.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), uputio **zastupničko pitanje:**

*„Već nekoliko puta sam potencirao problem (ne)izgradnje Osnovne škole u naselju Stup nukleus na Stupu! Odgovora nije bilo, zato ponavljam zastupničko pitanje i zahtjevam odgovor u pisanoj formi u zakonskom roku!?”*

*Poznato je da je u naselju Nukleus Stup, Regulacionim planom predviđena izgradnja Osnovne škole. Međutim, vidljivo je da se sa realiziranjem onoga, šlo je ozakonjeno Regulacionini planom, odugovlači. Neobjašnjivo je da se na tom planu nista konkretno ne poduzima. Vrijeme prolazi, a spekulacije se umnožavaju. U predizbornom vremenu, aktuelni načelnik je obećao realiziranje spomenutog kapitalnog projekta, ali konkretne aktivnosti se ne poduzimaju! Sada se pominje promjena lokacije, zbog postojanja neriješenog imovinskog pitanja na prvobitnoj lokaciji, ali se ne radi ništa da bi se spor riješio. No postoji bojazan stanovnika ovog naselja na Stupu, da će se eventualna izgradnja škole desiti na igralištu, za koje su opremu osigurali američki ambasador Thomas Miller i njegova supruga. Ukoliko bi se desilo da se uništi to igralište, to bi bilo protumačeno kao diplomatski skandal!!!*

*Treća moguća lokacija je na mjestu gdje je predviđen park. To bi bilo potpuno suludo, jer bi i bez tog sadržaja u naselju, bile pretpostavke za GETO, bez mogućnosti da se u budućnosti nešto popravi. Ako se desi da u dogledno vrijeme počne izgradnja stambenih zgrada na prvobitnoj lokaciji, gdje je Regulacionim planom predviđena izgradnja škole, onda će biti potpuno jasno, zbog čega se odugovlači sa izgradnjom Osnovne škole u naselju Nukleus Stup!*



*Podsjećam Vas, da u našoj tradiciji, kada se želi naglasiti neki hendikep, postoji izreka, „To je kao selo bez škole!“. Ako se ima u vidu da je riječ o gradskoj četvrti, koja ima ambiciju da bude urbano naselje, onda je svaki komentar suvišan!?.“*

#### **Odgovor:**

Cijenjeni,


Ministarstvo za odgoj i obrazovanje Kantona Sarajevo (u daljem tekstu: Ministarstvo) je zaprimilo zastupničko pitanje zastupnika Zvonka Marića, koje je Ministarstvu proslijeđeno ispred Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo na koje je prvobitno bilo adresirano.

Dana 23.4.2021. godine održan je sastanak u prostorijama Općine Ilidža na temu odabira lokacije na kojoj će se planirati izgradnja škole u MZ Stup II u okviru RP Stup Nukleus kojem su prisustvovali ministar komunalne privrede, infrastrukture, prostornog uređenja, građenja i zaštite okoliša Kantona Sarajevo, gospodin Enver Hadžiahmetović, predstavnik Ministarstva za odgoj i obrazovanje Kantona Sarajevo, gospođa Sanela Hercegovac, direktor Direkcije za puteve Kantona Sarajevo, gospodin Selmir Kovač u ime ministra (prisutan na prvom sastanku održanom 21.04.2021.godine), direktor Zavoda za planiranje Kantona Sarajevo, gospodin Hamdija Efendić i načelnik Općine Ilidža, gospodin Nermin Muzur. Na sastanku je kontaktovano da su parcele na kojima je predviđena izgradnja objekta su u privatnom vlasništvu i Općina Ilidža još uvijek nije u mogućnosti da riješi imovinsko-pravne odnose, jer je lokacija plombirana, obzirom da se vezano za istu vodi sudski postupak za koji se ne zna do kada će trajati. Općina Ilidža je predložila da se objekat osnovne škole izgradi na parcelama k.č.1581/1, 1581/2 i 1580/1 KO Stup koje su u općinskom vlasništvu, a nalaze se preko puta sporne lokacije. S obzirom na poziciju predložene lokacije urađeni Elaborat o društveno-ekonomskoj opravdanosti za osnivanje javne ustanove osnovne škole u naselju Stup II pod radnim nazivom JU „Jedanaesta osnovna škola“ Ilidža odgovara i ovoj lokaciji, te se ne bi morao raditi novi. Prema Elaboratu je potreban objekat koji će zadovoljiti potrebe za 465 učenika.

Ministarstvo za odgoj i obrazovanje Kantona Sarajevo je u Nacrtu Budžeta Kantona Sarajevo za 2020. godinu obezbijedilo sredstva u iznosu od 50.000,00 KM, u nadi da će se navedena pitanja riješiti i da će se krenuti u izradu projektne dokumentacije.

Ovim putem vas obavještavam da je u vezi pomenutog pitanja održan sastanak 14.9.2021. godine u Općini Ilidža kojem su prisustvovali ministar Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, gospodin Enver Hadžiahmetović, ministrica Ministarstva za odgoj i obrazovanje Kantona Sarajevo, gospođa Naida Hota-Muminović, ministar Ministarstva saobraćaja Kantona Sarajevo, gospodin Adnan Šteta, direktor Zavoda za planiranje Kantona Sarajevo, gospodin Faruk Muharemović i načelnik Općine Ilidža, gospodin Nermin Muzur. U prilogu dostavljamo Zapisnik sa pomenutog sastanka.

S poštovanjem,



**M. HOTA-MUMINOVIĆ**

**Naida Hota-Muminović**

Prilog: 1

Dostaviti:

1. Naslovu;
2. A/a



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



7797

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA ZA RAZVOJ, KOMUNALNE  
POSLOVE I PUTEVE



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR

DEVELOPMENT SERVICES  
Federalna Agencija za razvoj  
KANTON SAR

PRIMLJENO: 20-09-2021			
Organizaciona jedinica	Klasifikaciona oznaka	Broj	Broj prijave
11	04	20352	

Broj: 12-sl.2276/21  
Ilidža, 16.09.2021.godine

1. Zavod za planiranje razvoja Kantona Sarajevo, Branilaca Sarajeva 26, Sarajevo
2. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Reisa Džemaludina Čauševića 1, Sarajevo
3. Ministarstvo za odgoj i obrazovanje Kantona Sarajevo, Reisa Džemaludina Čauševića 1, Sarajevo
4. Ministarstvo saobraćaja Kantona Sarajevo, Reisa Džemaludina Čauševića 1, Sarajevo
5. Općinski Načelnik, ovdje
6. Služba za obrazovanje, kulturu, sport i mlade Općine Ilidža, ovdje
7. Služba za prostorno uređenje Općine Ilidža, ovdje

PREDMET: Dostavljanje potpisanog Zapisnika sa sastanka vezano za lokaciju objekta OŠ MZ Stup II

Poštovani,

Ovim putem vam dostavljamo po jedan primjerak Zapisnika sa sastanka na temu: Lokacija objekta osnovne škole u MZ Stup II u okviru RP Stup Nukleus koji je održan dana 14.09.2021. godine.

Srdačan pozdrav!


Kontakt osoba: Lamija Halilović, tel. 033/775-680.

Izradio: Lamija Halilović, MA-dipl. ing. arh.

Kontrolisao: Nazi arh.

DOSTAVLJENO:

- 7x Naslovu
- 1x Služba
- 1x a/a



Lamija Halilović, dipl. ing. arh.



## ZAPISNIK SA SASTANKA

Tema sastanka: Lokacija objekta osnovne škole u MZ Stup II u okviru RP Stup Nukleus

Datum održavanja: 14.09.2021. godine

Mjesto održavanja: Općina Ilidža, Butmirska cesta 12

Prisutni na sastanku:

1. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo- Ministar Enver Hadžiahmetović
2. Ministarstvo za odgoj i obrazovanje Kantona Sarajevo- Ministrica Naida Hota-Muminović
3. Ministarstvo saobraćaja Kantona Sarajevo, Ministar Adnan Šteta
4. Zavod za planiranje razvoja Kantona Sarajevo, Direktor Faruk Muharemović
5. Općina Ilidža, Općinski načelnik Nermin Muzur

U mjesnoj zajednici Stup II već duže vrijeme postoji potreba za izgradnjom objekta osnovne škole radi velikog broja učenika koji žive na ovom lokalitetu i koji pohađaju osnovne škole u drugim naseljima. U tom smislu je u oktobru 2017. godine urađen i Elaborat o društveno-ekonomskoj opravdanosti za osnivanje javne ustanove osnovne škole u naselju Stup II pod radnim nazivom JU „Jedanaesta osnovna škola“ Ilidža u kojem je dokazana potreba za osnivanjem ove škole na lokaciji koja je predviđena u okviru RP Stup Nukleus.

U regulacionom planu je planiran objekat društvene infrastrukture (obrazovanje, dječija zaštita) 7000 m<sup>2</sup> na parcelama k.č. 1034/2, 1034/6 i 1034/5 KO Stup. Parcele na kojima je predviđen ovaj objekat su u privatnom vlasništvu i Općina Ilidža još uvijek nije u mogućnosti da riješi imovinsko-pravne odnose na ovoj lokaciji jer je lokacija plombirana obzirom da se vezano za istu vodi sudski postupak za koji se ne zna do kada će trajati.

Da bi se konstruktivno djelovalo, Općina Ilidža predlaže da se objekat osnovne škole izgradi na parcelama k.č.1581/1, 1581/2 i 1580/1 KO Stup koje su u općinskom vlasništvu, a nalaze se preko puta sporne lokacije. Na ovoj lokaciji je u okviru RP Stup Nukleus predviđen objekat društvene infrastrukture (mjesna zajednica) i zdravstvena zaštita, te džamija i igralište. Planirani objekti društvene infrastrukture iznose 500 m<sup>2</sup>, spratnosti P+2.

Obzirom da je na obje lokacije predviđena društvena infrastruktura, u koju spada i objekat obrazovanja-osnovna škola, smatra se da bi se objekat osnovne škole mogao planirati na predloženoj lokaciji uz potrebnu kvadraturu za funkciju obrazovanja.

**ZAKLJUČAK:**

1. Na obje lokacije je predviđena namjena društvene infrastrukture u koju spada i objekat obrazovanja-osnovna škola
2. U saobraćajnom smislu nema izmjena ukoliko se na ovoj lokaciji predvidi škola
3. U okviru parcele se može riješiti i saobraćaj u mirovanju u vidu podzemne etaže-sklonište/garaža
4. S obzirom na poziciju predložene lokacije, urađeni Elaborat o društveno-ekonomskoj opravdanosti za osnivanje javne ustanove osnovne škole u naselju Stup II pod radnim nazivom JU „Jedanaesta osnovna škola“ Ilidža odgovara i ovoj lokaciji, te se ne bi morao raditi novi. Prema Elaboratu je potreban objekat koji će zadovoljiti potrebe za min 465 učenika.
5. Predloženi objekat ne ugrožava susjedne objekte spratnošću niti gabaritom.

6. Objekat društvene infrastrukture (škola), kako je trenutno planirano RP Stup Nukleus na parcelama k.č. 1034/2, 1034/6, 1034/5 KO Stup, ostaje ucrtan u planu
7. Jako je bitno naglasiti da se u ovom slučaju radi o društvenoj infrastrukturi koja se svim planskim dokumentima posebno tretira, jer je segment obrazovanja jako značajan u našem zakonodavstvu.
8. Ova škola je interes lokalne zajednice zbog velikog broja izgrađenih stambenih objekata, objekata koji se grade i koji će se izgraditi u okolini u skladu sa RP-om.

**Svi prisutni su saglasni da je na osnovu naprijed iznesenih činjenica opravdana izgradnja objekta društvene infrastrukture - škole na predloženoj lokaciji k.č.1581/1, 1581/2 i 1580/1 KO Stup.**

**Općina Ilidža će pokrenuti sve aktivnosti za pribavljanje svih potrebnih saglasnosti i dokumentacije za realizaciju projekta izgradnje škole na lokaciji k.č.1581/1, 1581/2 i 1580/1 KO Stup.**

Prilog Zapisnika:

1x Izvod iz RP-a

Saglasni:

Ministar komunalne i  
prostornog uređenja,  
Kantona Sarajevo



niranje razvoja Kantona Sarajevo

Naceinik Općine Ilidža,

